

Erhvervsstyrelsi, ulloq 31. august 2015

MISSINGIUT

**Eqikkaaneq – aningaasaateqarfiit inuussutissarsiornermik ingerlatsisut pillugit inatsisip
Kalaallit Nunaanni atuutilersinneqarnissaa pillugu peqqussut**

Imai

- 1. Aallaqqaasiut**
- 2. Aningaasaateqarfiit inuussutissarsiornermik ingerlatsisut pillugit inatsit pillugu nalinginnaasumik oqaatigiumasat**
- 3. Aningaasaateqarfiit inuussutissarsiornermik ingerlatsisut pillugit inatsisaasimasumi maleruagassanut naleqqiullugu allannguutit pingaarnerit**
 - 3.1. Aningaasaateqarfiit inuussutissarsiornermik ingerlatsisut nassuiaataannik eqqussineq
 - 3.2. Nalunaarsuineq piffissaliussallu
 - 3.3. Aningaasaateqarfinnut oqartussat suliasat Erhvervsstyrelsimut katersuunneqarnerat
 - 3.4. Aqutsineq, ilanngullugit aqutsisut akisussaaffii pisussaaffilu pillugit maleruagassat erseqqinnerusut
 - 3.5. Kukkunersuineq
 - 3.6. Malittarisassanik allannguneq pillugu maleruagassat ersarissagaasut
 - 3.7. Kattunneq pillugu maleruagassat pisariillisakkat
- 4. Peqqussutissatut missingiummi Kalaallit Nunaanni pissutsit malitsigisaannik allannguutissatut siunersuutit**
 - 4.1. Aningaasaateqarfinni pissutsit pillugit Erhvervsstyrelsimut paasissutissanik il.il. nalunaaruteqarnissamut piffissaliussat
 - 4.2. Aningaasaateqarfinnut piumasaqaatit il.il. nalunaarutigeqqullugit kaammattuutitut, Erhvervsstyrelsip qarasaasiaqarfiaatigut tamanut saqqummiunneqartunut qisuariarnissamut akiligassaqarfinnut aningaasaatinillu piginnittunut piffissaliussat
 - 4.3. Aningaasaateqarfinni pissutsit pillugit nalunaarsuinerit siunissami taamaallaat Erhvervsstyrelsip qarasaasiaqarfiaatigut tamanut saqqummiunneqartassapput
- 5. Peqqussutip Kalaallit Nunaanni atuutilersinneqarnera aamma ikaarsaariarnermi aalajangersakkat il.il.**

1. Aallaqqaasiut

Kunngip peqqussutissaattut missingiutikkut nassiunneqartukkut Aningaasaateqarfiit inuussutissarsiornermik ingerlatsisut pillugit Kalaallit Nunaanni inatsisip nutarterneqarnissaa siunertaavoq, taamaalilluni aningaasaateqarfiit inuussutissarsiornermik ingerlatsisut pillugit inatsisip Kalaallit Nunaanni atuutilersinneqarnissaa pillugu kunngip peqqussutaa nr. 621, 23. juni 2008-meersoq maannamut atuuttoq aningaasaateqarfiit inuussutissarsiornermik ingerlatsisut pillugit inatsisip Kalaallit Nunaanni atuutilersinneqarnissaa pillugu peqqussummik nutaamik, Kalaallit Nunaanni pissutsit malitsigisaannik allannguutitaqartumik taarserneqassaaq.

Taamaalilluni aningaasaateqarfiit inuussutissarsiornermik ingerlatsisut pillugit inatsisip nutaap, tak. inatsit nr. 712, 25. juni 2014-imeersoq¹, Kalaallit Nunaanni pissutsit malitsigisaannik allannguutitalerlugu Kalaallit Nunaanni atuutilersinneqarnissaa peqqussutissatut missingiutikkut siunertaavoq. Tamatumunnga atatillugu oqaatigineqassaaq, aningaasaateqarfiit inuussutissarsiornermik ingerlatsisut pillugit inatsit nutaaq, ukiumoortumik naatsorsuutit pillugit inatsimmi aamma inuussutissarsiornermik naammagittaalliuteqartarfiat pillugu inatsimmi allannguutinik aalajangersimasunik aamma imaqarmat. Allannguutit taakku peqqussutissatut missingiummi ilanngunneqartumi ilaatinneqanngillat. Ukiumoortumik naatsorsuutit pillugit inatsisip Kalaallit Nunaanni atuutilersinneqarnissaa pillugu peqqussutit nutarternissaanut missingiutissaq, allannguutinik aningaasaateqarfiit inuussutissarsiornermik ingerlatsisut pillugit inatsisip nutaap malitsigisaannik ilaatigut imaqassaaq.

2. Aningaasaateqarfiit inuussutissarsiornermik ingerlatsisut pillugit inatsit pillugu oqaatigumasat nalinginnaasut

Danmarkimi aningaasaateqarfiit inuussutissarsiornermik ingerlatsisut 1985-imiilli aningaasaateqarfiit inuussutissarsiornermik ingerlatsisut pillugit inatsisikkut maleruagassaqartitaapput. Inatsisip akuerineqarnerata peqatigisaannik ataatsimiititaliami sulineq tunuliaqutaralugu aningaasaateqarfiit peqatigiiffiillu ilaat pillugit inatsit Folketingip akuersissutigaa, tak. Aningaasaateqarfiit pillugit isumaliutissiissut, nr. 970/1982.

2009-mi Folketingimi amerlanerussuteqarluartut aktianik piginneqatigiiffiit andelselskabillu pillugit inatsit nutaaq (piginneqatigiiffiit pillugit inatsit) akuersissutigaa, taanna aktianik piginneqatigiiffiit andelselskabillu pillugit inatsisip (piginneqatigiiffiit pillugit inatsisip) Kalaallit Nunaanni atuutilersinneqarnissaa pillugu peqqussutissatut missingiummut eqikkaanermi eqqartorneqartutut, piginneqatigiiffiit pillugit inatsiseqarnerup tunngaviummik iluarsartuuteqqinneranik kinguneqarpoq.

Aningaasaateqarfiit inuussutissarsiornermik ingerlatsisut pillugit inatsisikkut nutaakkut aningaasaateqarfiit inuussutissarsiornermik ingerlatsisut maleruagassaqartitaanerisa

¹ Ukiumoortumik naatsorsuutit pillugit inatsisip inatsisillu assigiinngitsut allat allanngortinneqarnissaat pillugu inatsit nr. 738, 1. juni 2015-imeersukkut allanngortinneqartoq (Allaffissornikkut nammagassat ikilisarneqarnerat, naatsorsuuserinermi nunani tamalaani pitsaassusiliussanut naleqqussarneq, naatsorsuuserinermut peqqussutit nutaap piviusunngortinneqarnera kiisalu paasiuminartuunissamut peqqussummut allannguutit il.il.)

assigisaanik iluarsartuunneqarnissaata piviusunngortinnissaa siunertaavoq, taamaalilluni Danmarkimi suliffeqarfeqarfinnut ilusiliussanut assigiinngitsunut maleruagassat assigiiaartut atuutissammata, taamaattoq suliffeqarfeqarfinnut ilusiliussanut assigiinngitsunut immikkut ilisarnaatit isiginiarneqarput, aningaasaateqarfittut ilusiliineq ilanngullugu. Aningaasaateqarfiit eqqarsaatigalugit aningaasaateqarfiit imminnut pigisuunerat pineqarpoq, tamannalu illuatungeqartikkumallugu aningaasaateqarfinnut oqartussaqqarpoq, aningaasaateqarfinnik nakkutilliisuusunik.

Aningaasaateqarfiit inuussutissarsiornermik ingerlatsisut pillugit inatsisaasimasumi piginneqatigiiffiit pillugit inatsisaasimasumi qulequttat arlaqartut tunngavigineqarput. Taamaattumik aningaasaateqarfinnut maleruagassanik iluarsartuusseqqinneq piviusunngortinneqartoq aningaasaateqarfiit inuussutissarsiornermik ingerlatsisut pillugit maleruagassanut naleqqiullugu piginneqatigiiffinnut tunngasut iluarsartuuteqqinnerat qanoq sunniuteqarsimanerata erseqqinnerusumik misissorneqarnissaa pissusissamisoorumik pisariaqartinneqalerpoq. Peqatigisaanillu ukiuni kingullerni ineriartornerup nalinginnaasumik kinguneranik akisussaassuseqarnej, ammasuuneq kiisalu suliffeqarfimmi aqutsisutullu ileqqorissaarnej annerusumik isiginiarneqalerput. Tamanna corporate governancemut (piginneqatigiiffinnik aqutsilluarnemut) atatillugu atuuppoq, piginneqatigiiffiit aningaasanik niuerfinni niuerutaasinnaasut suliffeqarfinnik aqutsilluarnej pillugu tunngavinnik arlaqartunik ullumikkut malitaqartarlutik. Tamatuma saniatigut aningaasaateqarfiit inuussutissarsiornermik ingerlatsisut paasiuminassusiat taakkuninngalu nakkutilliineq pillugit ukiuni kingullerni apeqqusiisoqartalerpoq, aqutsisunut sinaakkusiussat, taakku inuttalersugaanerat kiisalu arlaannaannulluunniit attuumassuteqannginnerat ilanngullugit.

Aningaasaateqarfiit inuussutissarsiornermik ingerlatsisut pillugit inatsisitaq tulliuttut eqqarsaatigalugit pingaaruteqarpoq:

- piginneqatigiiffiit pillugit inatsiseqarnerup nutarterneqarnerata aningaasaateqarfiit inuussutissarsiornermik ingerlatsisut inatsisitigut tunngaviinik assigisaanik nutarterineq,
- siulersuisut ingerlataat agguassisarnerallu pillugit ammarnerunernej kiisalu
- siulersuisunut atatillugu aningaasaateqarfinnut oqartussat periarfissaasa nukittorsarnerat.

Tamatuma saniatigut aningaasaateqarfiit inuussutissarsiornermik ingerlatsisut pillugit inatsimmut nutaamut oqaaseqaatit ataani allaaserineqarnerat innersuussutigineqarpoq. Ilanngullugu oqaatigineqarsinnaavoq maleruagassat suleriaatsimi atornejarnissaat pillugu, assersuutigalugu pilersitsinermut, agguassinernut kiisalu atorunnaarsitsinermut atatillugu ilitsersuutit arlaqartut aningaasaateqarfinnit inuussutissarsiornermik ingerlatsisunit taakkualu siunnersortaannit atornejartussat Erhvervsstyrelsen suliareermagit. Ilitsersuutit Erhvervsstyrelsen qarasaasiakkut nittartagaani takuneqarsinnaapput.

3. Aningaasaateqarfiit inuussutissarsiornermik ingerlatsisut pillugit inatsisaasimasumi maleruagassanut naleqqiullugu allannguutit pingaarnerit

Aningaasaateqarfiit inuussutissarsiornermik ingerlatsisut pillugit inatsisaasimasumi maleruagassanut naleqqiullugu aningaasaateqarfiit inuussutissarsiornermik ingerlatsisut pillugit inatsimmi nutaami allannguutit pingaarnerit immikkoortoq 3-mi immikkoortuaqqani eqqartorneqarput.

Maleruagassat arlaqartut atuukkunnaarsitsineq pillugu nalunaarummiissimasut, maanna inatsimmut ilanngullugit suliarineqarmata oqatigineqassaaq. Maleruagassat allanngortippiarnagit inatsimmi ingerlateqqinneqarput.

Maleruagassanut danskit aningaasaateqarfiinut inuussutissarsiornermik ingerlatsisunut atuuttunut naleqqiullugu peqqussutissatut missingiummi nassiunneqartumi kalaallit aningaasaateqarfiinut inuussutissarsiornermik ingerlatsisunut Kalaallit Nunaanni pissutsit malitsigisaanik allannguutissat arlallit siunnersuutigineqarput. Allannguutissatut siunnersuutit eqikkaanermi immikkoortoq 4-mi erseqqinnerusumik eqqartorneqarput.

3.1. Angingaasaateqarfiit inuussutissarsiornermik ingerlatsisut nassuiaataannik eqqussineq

Aningaasaateqarfiit inuussutissarsiornermik ingerlatsisut pillugit inatsisaasimasooq qaqugukkut aningaasaateqarfik pineqarnerooq pillugu nassuiaammik imaqqanngilaq. Aningaasaateqarfimmik oqarnermi aningaasaateqarfiit pillugit inatsisitigut atuuttut pillugit tunngaviusumik oqaaseqatigiit allagaanngitsut toqqammavigineqarput, taakkualu maanna inatsimmut ilanngullugit suliarineqarput.

Aningaasaateqarfiit pillugit inatsisitigut atuuttut pillugit tunngaviusumik oqaaseqatigiit kingunerannik, aningaasaateqarfiup annerusumik uku ilisarnaatigai:

- 1) Pisuussutit, pilersitsisup pisuussutaanit uteqqittussaajunnaarlutik avissaartitaasut.
- 2) Siunertaq aalajangersimasooq arlallilluunniit.
- 3) Aqutsisut nammineertut atuisinnaatitaapput.
- 4) Aningaasaateqarfik taamatut itsilluni pisinnaatitaaffeqalersinnaavoq pisussaaffeqalersinnaallunilu, tassalu nammineerluni inatsisitigut atuuffeqarpoq.
- 5) Inuk imaluunniit inatsisitigut pisinnaatitaasooq pisussaataasorlu aningaasaateqarfiup avataaniittoq aningaasaateqarfiup pisuussutaanut piginnittussaataitaanngilaq, tassalu aningaasaateqarfiup pisuussutaanut aningaasaateqarfik taamatut itsilluni piginnittussaataitaavoq.

Piumasaqaatit qulaani taaneqartut saniatigut aningaasaateqarfiit piffissamik killiliinertaqanngitsumik tunngaviusumik pilersitaasarnerat aningaasaateqarfiit ilisarnaatigai.

3.2. Nalunaarsuineq piffissaliussallu

Aningaasaateqarfiit inuussutissarsiornermik ingerlatsisut pillugit inatsisaasimasumi aningaasaateqarfinnut inuussutissarsiornermik ingerlatsisunut nalunaarsuinnermut piffissaliussanullu maleruagassat, aktianik piginneqatigiiffiit pillugit inatsisaasimasooq malillugu aktianik piginneqatigiiffinnut andelselskabinullu maleruagassat atuuttut assigaat. Taamaattoq pilersitsinerup nalunaarutiginnisaanut piffissaliussaq sivitsugaavoq (qaammatinut pingasunut) kingorna allannguinnermut piffissaliussaq sivitsugaalluni (qaammatinut sisamanut).

Aningaasaateqarfiit inuussutissarsiornermik ingerlatsisut pillugit inatsisitaami nalunaaruteqarnissamut piffissaliussaq aningaasaateqarfinnut nalinginnaasumik

allanngortinneqarpoq, nalunaarsuinissamut nalunaaruteqarnissamullu piffissaliussat sapaatit akunnerinik marlunnik sivisussuseqaramik. Tamatuma saniatigut Erhvervsstyrelsi qarasaasiaqarfia tamatumunnga ineriartortinneqareerip, pineqartuni arlalinni nammineerluni nalunaarsuisinnaaneq ammaanngassaaq.

Maleruagassanik erseqqinnerusunik nalunaarutikkut aalajangersaanissamut sulii inatsisigut tunngavissaqarpoq, tamanna Erhvervsstyrelsi nalunaaruteqarneq pillugu nalunaarutaani arlalinnik allannguinissamut atorngarumaarpoq.

3.3. Aningaasaateqarfinni oqartussat suliasat Erhvervsstyrelsimut katersuunneqarnerat

Aningaasaateqarfiit inuussutissarsiornermik ingerlatsisut pillugit inatsisaasimasumi aningaasaateqarfinnut oqartussat suliasat inuussutissarsiornermut ineriartortitsinermullu ministerip (Erhvervsstyrelsi) inatsisinillu atuutsitsinermut ministerip (Civilsstyrelsi) akornanni avinneqarsimapput. Aningaasaateqarfinnut inatsisinik atuutsitsinermut ministerip suliasaqarfiinut atasunik pingaarnertut siunertaqartunut, aningaasaateqarfinnullu arlalinnik naligiissitanik siunertaqartunut inatsisinik atuutsitsinermut ministeri (Civilsstyrelsi) aningaasaateqarfinnut oqartussaasuunikuvoq.

Aningaasaateqarfiit inatsisit aningaasaateqarfiullu malittarisassai naapertorlugit illersorneqarsinnaasumik aqunneqarnerisut aningaasaateqarfinnut oqartussat aningaasaateqarfinnik inatsisitigut nakkutilliisuupput. Akuerisaaneranik nakkutilliineq, (tassalu inatsisit malinneqarnerisut) tamatumani pineqarpoq, taamaasilluni aqutsisut niuernerimut atatillugu atuinerisa naapertuuttuunerat aningaasaateqarfinnut oqartussat nalilersortussaangilaat.

Aningaasaateqarfiit piginnittoqartanninnerisa nalinginnaasumillu allanik uparuarneqarsinnaasoqanninnerisa suliffeqarfeqariaatsinut allanut naleqqiullugu allaanerussutaanerat aningaasaateqarfinnut oqartussat nakkutilliisoqarnerimut tunuliaqutaavoq. Aningaasaateqarfiit piginnittoqanninnerat imatut paasisariaqarpoq – assersuutigalugu aktianik piginneqatigiiffinni andelselskabinilu ataatsimeersuarnerup assigisaanik – aningaasaateqarfiup siulersuisa atuinerannut sunniuteqarsinnaasunik, imaluunniit siulersuisut aningaasaateqarfinnik illersorneqarsinnaasumik aamma inatsisit aningaasaateqarfiullu malittarisassai naapertorlugit aqutsinerannik nakkutiginnissinnaasunik piginnittoqannigisooq.

Aningaasaateqarfiit inuussutissarsiornermik ingerlatsisut pillugit inatsimmi nutaami aningaasaateqarfinnut inuussutissarsiutitut ingerlatanut atatillugu aningaasaateqarfinnut oqartussat piginnaatitaaneq Erhvervsstyrelsimut katersuunneqarpoq, taamaattumik aningaasaateqarfinnut inuussutissarsiornermik ingerlatsisunut atatillugu aningaasaateqarfinnut oqartussat suliasat, maannamut Civilsstyrelsimut aningaasaateqarfinnut oqartussat isumagineqarsimagaluartut, 1. december 2014-imi Erhvervsstyrelsimut nuunneqarput.

3.4. Aqutsineq, ilanngullugit aqutsisut akisussaaffii pisussaaffiilu pillugit maleruagassat erseqqinnerusut

Siulersuisut aningaasaateqarfiup qullersatut oqartussaasorai, ikinnerpaamillu pingasunik inuttaqassallutik. Siulersuisut aningaasaateqarfiup ulluinnarni aqunneqarnissaanut pisortaanerik atorfinitsisisimangikkunik, aningaasaateqarfiup pingaarnertigut ulluinnarnilu aqunneqarnera isumagissavaat. Siulersuisunut ilaasortamik tunuartoqartillugu, ilaasortaq nutaaq malittarisassat malillugit toqqarneqassaaq, aningaasaateqarfiik qinersinnaasunik aningaasaateqarfiullu aqunneqarneranik nakkutilliisinnaasunik piginnittoqanngimmat.

Aningaasaateqarfiup aningaasaateqarfimmik aqutsisunik toqqaasinnaasunik nakkutilliisinnaasunillu piginnittoqannginnerata kinguneranik, aningaasaatinik piginneqatigiiffinnit (aktianik pginneqatigiiffinnit andelselskabinillu) naleqqiullutik aalajangiisumik assigiinngissuteqarput, tamannalu aningaasaateqarfiup aqunneqarnerata maleruagassaqartitaaneranut annertuumik pingaaruteqarpoq. Taamaasilluni malittarisassanik allannguinnermut, immikkut ittumik atuinnermut, siulersuisut katitigaanerisa ilaannut il.il. atatillugu siulersuisut aalajangertarnerinik nakkutilliinissamut akuersissuteqartarnissamullu aningaasaateqarfinnut oqartussat piginnaatitaapput. Aammattaaq aningaasarsiat qaffasippallaartutut isigineqartut aningaasaateqarfinnut oqartussat annikillisinnaavaat, inatsisinillu malitsisinissamut siulersuisut peqqusinnaallugit. Naggataagullu siulersuisunut ilaasortaq suliassaminut erseqqissumik piginnaaneqanngitsutut isigineqartoq aningaasaateqarfinnut oqartussanit tunuartinneqarsinnaavoq.

Siulersuisut pisussaaffii akisussaaffiilu pillugit maleruagassat erseqqinnerusut, piginneqatigiiffiit pillugit inatsisikkut eqqunneqartut assigisaasa eqqunneqarnerat aningaasaateqarfiit inuussutissarsiornermik ingerlatsisut pillugit inatsisitaap kingunerisimavaa. Taamaalilluni siulersuisut pisortaanerillu akisussaaffii pisussaaffiilu ilaatigut erseqqinnerusunik maleruagassaqartinneqalerput, soorlu aamma siulersuisut suleriaatsimut malittarisassaqaarnissaat piumasaqaatinngortoq.

Ukiumoortumik naatsorsuutit pillugit ataatsimiittoqarnissaa pillugu maleruagassaq aamma inatsisitaamiippoq, ataatsimiinnermi tassani siulersuisut ukiumoortumik nalunaarusiaq akuersissutigissavaat, kukkunerisuiorlu najuutissalluni.

Naggataagullu aningaasaateqarfinnik aqutsilluarnissaq pillugu kaammattuutitut Aningaasaateqarfinnik Aqutsilluarneq pillugu ataatsimiititaliamit, arlaannaannulluunniit attuumassuteqanngitsumit saqqummiunneqartut siulersuisunit isummerfigineqarnissaat pillugu maleruagassanik ilanngussisoqarpoq.

3.5. Kukkunerisuiineq

Aningaasaateqarfiit kukkunerisuiineq pillugu maleruagassanik aningaasaatinik piginneqatigiiffinnut (aktianik piginneqatigiiffinnut anpartsselskabinillu) atuuttut assigisaannik aallaavittut malinnittussaataapput. Aningaasaateqarfiulli qanoq angitiginera apeqqutaatinnagu, aningaasaateqarfiit inuussutissarsiornermik ingerlatsisut ukiumoortumik

naatsorsuutaasa kukkunersiuisumit akuerisamit (naalagaaffimmit piginnaatitaasumit nalunaarsugaasumilluunniit) kukkunersiorneqartarnissaat tamatigut piumasaqaataasarpoq. Aningaasaateqarfiit ukiumoortumik naatsorsuutaasa kukkunersiorneqarnissaasa pinngitsoortinnissaa toqqarneqarsinnaangilaq, aningaasaateqarfiit imminnut pigisutut pissuseqarnerisigut kukkunersiuiunerup pisussaaffiunera sakkukillineqarsinnaangimmat, ukiumoortumillu naatsorsuutit aningaasaateqarfinnik inuussutissarsiutitut ingerlatanik nakkutilliinermut sakkussaammata pingaaruteqartut.

Aningaasaateqarfiit inuussutissarsiornermik ingerlatsisut pillugit inatsisitaami kukkunersiuisup akisussaaffii suliassaalu sukateriffigineqarput. Siunissami maleruagassat malillugit taamaallaat ukiut arfineq marluk tikillugit atuuttussamik toqqaasoqarsinnaalissaaq. Tamatuma kingorna kukkunersiuisup siulersuisunit ukiumi ataatsimi atuuttussamik toqqaasaarneranik aallaaveqarneq aningaasaateqarfiup malittussaassavaa. Ukiumoortumik naatsorsuutit ataatsimiissutigineranni toqqaasoqartassaaq.

Naggataagullu kukkunersiuisup ilisimatitsinissamut pisussaaffia sukateriffigineqarpoq, taamaasilluni kukkunersiuisoq inatsisinik malittarisassanilluunniit unioqqutitsinernik pingaaruteqanngitsuunngitsunik naammattuugaqaruni, aningaasaateqarfinnut oqartussat ingerlaannaq ilisimatissavai.

3.6. Malittarisassanik allanngineq pillugu maleruagassat ersarissagaasut

Aningaasaateqarfimmi inuussutissarsiornermik ingerlatsisumi siulersuisut aningaasaateqarfinnut oqartussanit akuerineqarnermikkut, pisussallu ilaanni Civilsstyrelsip isumaqataaneratigut malittarisani aalajangersakkamik allanngortitsinissaaq aalajangersinnaavaat. Aningaasaateqarfiup inuussutissarsiornermik ingerlatsisup aningaasaateqarfimmik inuussutissarsiornermik ingerlatsinngitsumik kattunneqarnera malittarisassanik allannginertut suliarineqassaaq.

Malittarisassanik allanngortitsinissamut aningaasaateqarfinnut oqartussat akuersissuteqarnissaasa aallaavittut taamaallaat piumasaqaataanera inatsisitaami erseqqissaatigineqarpoq. Siunertarli imaluunniit agguaassinerit kiisalu nammineq piumassutsimik atorunnaarsitaaneq pillugit malittarisassanik allanngortitsinernut aningaasaateqarfinnut oqartussat akuersissuteqartinnagit Civilsstyrelsip isumaqataanissaa maannamutut piumasaqaataavoq. Tamanna atuuppoq Civilsstyrelsip aningaasaateqarfinnut inuussutissarsiutitut ingerlatat ilaannut oqartussaajunnaarnera apeqquataatinnagu.

3.7. Kattunneq pillugu maleruagassat pisariillisakkat

Aningaasaateqarfiit inuussutissarsiornermik ingerlatsisut pillugit siusinnerusukkut inatsisaasumi kattunneq pillugu maleruagassat aningaasaatinik piginneqatigiiffiit (aktianik piginneqatigiiffiit anpartsselskabillu) pillugit maleruagassat aallaavittut assigaat. Taamaalilluni kattunnissamut pilersaarutip tamanut saqqummiunneqarnissaa

piumasaqaataavoq, kattunnerlu kingorna piviusunngortinneqartussaassaaq Erhvervsstyrelsimut nalunaarsuineranut oqartussat nalunaaruteqarnikkut. Kattunnissamut aningaasaateqarfinnut oqartussat akuersissuteqarnissaat, taamaassappallu Civilsstyrelsiq isumaqataanissaa tamatigut piumasaqaataasarpoq.

Aningaasaateqarfiit inuussutissarsiornermik ingerlatsisut pillugit inatsisitaami kattunnermik suliaq annertuumik pisariillisarneqarpoq, aningaasaateqarfiit inuussutissarsiornermik ingerlatsisut kattunnerat siulersuisut siunissami ataasiaannarlutik aalajangernerisigut pisinnaalissagami, maannamutut marloriarnatik.

Kattunnermut suliaq pisariillisagaanera imatut paasineqassaaq, kattunnermut pilersaarutip (aamma akiligassaqarfiit inissisimanerat pillugu naliliisartut nalunaarutaata) tigonera tamanut saqqummiunneqassanngitsaq, akkerlianilli kattunnissamut uppersaataatit allakkiaq kattunnissap akuerineqarsinnaaneramik aningaasaateqarfinnut oqartussat nalilersuinerannut annerusumik atornerqartussat suliarineqassapput. Aningaasaateqarfiit imminnut qanittunik siunertaqarnissaat, aningaasaateqarfiullu atuukkunnaartussap soqutigisaasa kattunnikkut pitsaaneroqisumik isumagineqalernissaat, imaluunniit eqqortinneqarsinnaajunnaarnerat eqqortikkuminaallinerallu imaluunniit naapertuukkunnaarsimanerat, aningaasaateqarfiit kattunnissaannut maannamutut piumasaqaataavoq.

4. Peqqussutissat missingiummi Kalaallit Nunaanni pissutsit malitsigisaannik allannguutissat siunnersuutit

Peqqussutissat missingiummi nassiunneqartumi danskit maleruagassaannut naleqqiullugu Kalaallit Nunaanni pissutsit kingunerannik allannguutissanik arlalinnik siunnersuuteqartoqarpoq. Makku annerusumik pineqarput:

4.1. Aningaasaateqarfinni pissutsit pillugit Erhvervsstyrelsimut paasissutissanik il.il. nalunaaruteqarnissamut piffissaliussat

Aningaasaateqarfiit inuussutissarsiornermik ingerlatsisut pillugit inatsisaasimasooq assigalugu aningaasaateqarfiit inuussutissarsiornermik ingerlatsisut pillugit inatsit nutaaq pissutsit nalunaarsorneqartussat pisussaaffiusut nalunaarsorneqarnissaat siunertaralugu Erhvervsstyrelsimut (siusinnerusukkat Erhvervs- og Selskabsstyrelsimut) nalunaarutiginnissaannut piffissaliussanik arlalinnik imaqqarpoq.

Teknikkikkut ineriartorneq eqqarsaatigalugu, pissutsinik nalunaarsugassatut pisussaaffiusut Erhvervsstyrelsimut nalunaarutiginnissaannut piffissaliussat imatut allanngortinneqarput, nalunaaruteqarnissamut piffissaliussaqq naalinginnaasumik sapaatit akunnerinik marlunnik sivilissuseqalersillugu. Taamaalilluni nalunaaruteqarnissamut piffissaliussat ilaat siornagut sapaatit akunnerinik sisamanik sivilissuseqarsimasut, maanna sapaatit akunnerinut marlunnut allanngortinneqarput. Taamatut iliornikkut piginneqatigiiffiit pillugit paasissutissat Erhvervsstyrelsiq qarasaasiaqarfiani tamanit alakkarneqarsinnaasumi nalunaarsugaasut sukkanerusumik nutarterneqartarnissaat anguneqassaaq.

Aningaasaateqarfinnut inuussutissarsiornermik ingerlatsisunut kalaallit pigisaannut, aningaasaateqarfiit inuussutissarsiornermik ingerlatsisut pillugit maannamut inatsisaasup Kalaallit Nunaanni atuuttussanngortinnissaa pillugu peqqussummi atuuttumi piffissaliussanut naleqqiullugu piffissaliussat sapaatit akunnerinik pingasunik sivitsorneqarput, Kalaallit Nunaanni pissutsit kingunerisaannik. Taamaalilluni aningaasaateqarfinnut inuussutissarsiornermik ingerlatsisunut nalunaaruteqarnissamut piffissaliussat Kalaallit Nunaanni peqqusutit atuuttut malillugit ullumikkut sapaatit akunneri arfineq marluupput.

Aningaasaateqarfiit inuussutissarsiornermik ingerlatsisut pillugit inatsimmi nutaami nalunaarutininik il.il. Erhvervsstyrelsimut nassiussinissamut sapaatit akunnerinik marlunnik piffissaliussat peqqusutissatut missingiummi tamani sapaatit akunnerinut tallimanut sivitsorneqarput.

4.2. Aningaasaateqarfimmut piunasaqaatit il.il. nalunaarutigeqqullugit kaammattuutitut, Erhvervsstyrelsimut qarasaasiaqarfiatigut tamanut saqqummiunneqartunut qisuariarnissamut akiligassaqarfinnut aningaasaatinillu piginnittunut piffissaliussat

Assersuutigalugu aningaasaateqarfimmut piunasaqaatit aningaasaateqarfimmut nalunaarutigeqqullugit kaammattuutitut akiligassaqarfiit aningaasaatinillu piginnittut piffissaliussap aalajangersimasup qaangiutinnginnerani qisuariarnissaat pillugu aalajangersakkanik aningaasaateqarfiit inuussutissarsiornermik ingerlatsisut pillugit inatsit imaqarpoq.

Assersuutigalugu aningaasaateqarfiup inuussutissarsiornermik ingerlatsisup agguassinissamut aningaasaatinik ikilisitsinissaq kissaatigippagu, tamanna atuuppoq. Tamatumani aningaasaateqarfiup aningaasaateqarfiit inuussutissarsiornermik ingerlatsisut pillugit inatsit malillugu akiligassaqarfini kaammattortussaavai, sapaatit akunnerinik sisamanik piffissaliussaq qaangiutsinnagu piunasaqaatitik aningaasaateqarfimmut nalunaarutigeqqullugit. Akiligassaqarfinnut kaammattuut Erhvervsstyrelsimut qarasaasiaqarfiatigut tamanut saqqummiunneqassaaq.

Piffissaliussat taamatut ittut sapaatit akunnerinut arfineq marlunnut sivitsorneqarnissaat peqqusutissatut missingiummi siunnersuutigineqarpoq. Taamaattoq aningaasaateqarfiit inuussutissarsiornermik ingerlatsisut pillugit inatsimmi piffissaliussaq qaammatitut pingasunut aalajangersarneqarsimatillugu, piffissaliussap sivitsorneqarnissaa peqqusutissatut missingiummi siunnersuutigineqanngilaq.

4.3. Aningaasaateqarfimmi pissutsit pillugit nalunaarsuinerit siunissami taamaallaat Erhvervsstyrelsimut qarasaasiaqarfiatigut tamanut saqqummiunneqartassapput

Suliffeqarfinni, ilanngullugit aningaasaateqarfinni inuussutissarsiornermik ingerlatsisuni pissutsit nalunaarsugaasut tamarmik Erhvervsstyrelsimut qarasaasiaqarfiatigut tamanut

saqqummiunneqartarput, taamaasilluni paasissutissat tamarmik, ilaatigut aningaasaateqarfiit inuussutissarsiornermik ingerlatsisut pillugit inatsit malillugu tamani takuneqarsinnaasussat, qarasaasiakkut toqqaannartumik takuneqarsinnaapput, nittartakkami uani datacvr.virk.dk.

Aningaasaateqarfiit inuussutissarsiornermik ingerlatsisut pillugit inatsisip Kalaallit Nunaanni atuutsinneqalernissaa pillugu peqqussut atuuttoq malillugu kalaallit aningaasaateqarfii pillugit nalunaarsukkat tamatuma saniatigut Atuagalliutini qaammammut marloriarlutik tamanut saqqummiunneqartarput, kalallit suliffeqarfii, ilanngullugit kalaallit aningaasaateqarfii inuussutissarsiornermik ingerlatsisut pillugit nalunaarsukkani, Erhvervsstyrelsen qarasaasiaqarfiani nalunaarsugaasuni paasissutissat, Atuagalliutit qaammammut marloriarlutik imarisaramikkat.

Atuagalliutini tamanut saqqummiussisarnerup atorunnaarsinneqarnissa peqqussutissatut missingiummi siunnersuutigineqarpoq, taamaasilluni kalaallit aningaasaateqarfiit inuussutissarsiornermik ingerlatsisut pillugit nalunaarsugaat siunnessami taamaallaat Erhvervsstyrelsen qarasaasiaqarfiaatigut tamanut saqqummiunneqartalissallutik. Akiligassaqarfiit aningaasaatinillu piginnittut aningaasaateqarfimmut piumasaqaatiminnik saqqummiusseqqullugit kaammattorneqarnerminni qisuariarnissaannut piffissaliussap sapaatit akunnerinit sisamaniit arfineq marlunnut sivitsorneqarnissaanik peqqussummut missingiummi immikkoortoq 4.2-mi siunnersuutigineqartumut atatillugu siunnersuut isiginiarneqassaaq.

5. Peqqussutip Kalaallit Nunaanni atuutsinneqalernera ikaarsaariarnermilu aalajangersakkat il.il.

Peqqussut malillugu nalunaarutit arlaqartut saqqummiunneqartussaapput, atuutsitsilernermit ikaarsaariarnermilu aalajangersakkat ilanngullugit.

Taamaasilluni peqqussutip atuutsilernissaata nalunaarutikkut aalajangersarneqarnissaa peqqussutissatut missingiummi siunnersuutigineqarpoq. Kalaallit Nunaanni Namminersorlutik Oqartussat soorunami tamatumunnga akuutinneqassapput.

Peqqussutip ulloq 1. januar 2017-imi atuutsinneqalernissaa siunnersuutigissallugu eqqarsaataavoq.

Peqqussutissatut missingiummi § 133-mi ikaarsaariarnermit aalajangersakkat arlaqartut, maanna peqqussummi atuuttumi maleruagassaniit aningaasaateqarfiit inuussutissarsiornermik ingerlatsisut pillugit inatsisip Kalaallit Nunaanni atuutsinneqalernissaa pillugu peqqussummi nutaami maleruagassanut ikaarsaariarnermik pisariillisaataasussat siunnersuutigineqarput. Aammattaaq inuussutissarsiornermit ineriartortitsinermullu ministerip ikaarsaariarnermi aalajangersakkanik allanik pisariaqartitsisoqalissagaluarpat aalajangersaasinnaaneranut piginnaatitsissut ilanngunneqarpoq.